

no a la zornata. Io desideroso di veder simel cose, montai a cavallo et veni li, fu Mercore a di 15 de l'istante, dove azonto li trovai facevano predicar in chiesa a uno valente frate, fato venir a posta per questo. Con el vicario de lo episcopo et el podestà del locho hanno devetato che simel congregation più se fazino, con pene et stricture grande, et hanno se-rato el monestier et chiezia de le monache con gran scomunega che alcuno non li parli. Et facendo predicar, non obstante ditte prohibition, se levò uno su infuriato *ut supra* et comenzò a cridar misericordia et fede, et el predicator li comandò da parte de Dio dovese laser; e lui respondendo che l'idio lo faceva et voleva el parlasse; et pur el predicator li comandò dovese taser et aldir el verbo de Dio e lasar aldir ad altri. Pur tacete, ma con difficoltà; al qual poi subito ho parlato io finita la predicha. Dice et sta constante che l'idio lo fa parlare, et ben, mi ha ditto, se voleva tener, ma forzato da non sa che dentro li fu forzo far quel el fece. Et ho parlato con molti altri li de simel infuriati, quali dicono bone parole tutte de Dio, et parlano molto caldo: persone de bono intellecto, non zà de condition troppo, et certamente monstrano haver bono intellecto, *tamen* la più parte dicono non si arecordar quel hannò visto, nè quel hanno fatto quando erano in quello furore, et alcuni me hanno dito havevano gran contento et apiacer, et alcuni altri me hanno dito haver habuto non sa che, salvo uno gran affanno. *Tamen* non restano sempre de dir parole sante et de Dio et de sua volontà; si fanno croce, tuono aqua santa, dicono oration, basano croce et santi, et come menzonano el nome de Jesù se inchinano; cossà stupenda nè cussi da intender *de facili*. Ne sono raxon da uno et l'altro canto, ovvero sia furor bono ovvero cativo. *Deus sit*. Io per me non lo voglio determinar; ho visto el prete li: non ha voluto parlar, *tamen* tutti dicono Dio li fa far quel fano; quando sono in quel raplo non atendemo ad alcuno salvo parlano in modo di raplo, et dicono: Vedi el dracone, el diavolo, et parlano con lui et li sputa et dicono: Vedi l'anima del tale e tale, e par vedino tutto l'inferno e dicono assai particularità de esso. Poi pareno veder el paradiso, santi, la Verzene et l'Idio, li anzoli, con assai bone et perfete parole, e tutte parole de documento; et dicono che la christianità è molto per patir per li gran peccati et per non esser in bona fede; el Papa non ha fede ne la christianità, et che tutta die andar sotto sopra. Se uno me scrivesse tal cossa dubitaria a crederlo;

ma in assai bona parte ho visto et certificatomi, et è vero; nè io non scriveria de mia mano el falso per assai respecti: prima uno homo da bene non lo faria; poi el padre non dia scriver el falso al proprio fiol; poi so mostrerai questa ad altri. Se non fusse vero tutte queste cosse, me faria tratar da pazo; ma sono tutte vere, et non è cosa scosa nè fata una volta sola soto una scala, ma ogni zorno più de uno mexe de longo et ancora continuano, et in presentia de uno popolo; che sempre è stato presente 500 persone, tutta la terra, et infiniti forestieri che ogni zorno concorseno, et ho parlato con tanti, che s'io non lo credesse saria pazo publico, et chi non lo crede vegni qui perchè se certificherano. Io ho voluto parlar con el podestà del loco, con el vicario del vescovo, con quel predicator, e tanti e tanti quali tutti confermano quanto è soprascritto, ma molte cosse de più che non si pol scriver per non esser tedioso; et a la mia venuta intenderai. *Unum est*, per sta cossa tutta questa Romagna è sottosopra et le persone zè smarite de tanta cosa. Non voglio zà restar de dirti questo, che par che in questo loco sia venuto zà doi zorni uno descalzo a modo de contadino nominato Lazaro, quale dicono questi de la terra lui haver deliberato due donne erano inspirate qui, et per signal hanno li spiriti morzato uno lume nel partirsi. Io ho ben visto tal ditto sconzurar uno puto, qual dicono esser ispirato, de anni 16, *tamen* finora non l'ha deliberato; tuttavia quel puto fa de molti atti. Et dicono ogni zorno in questa terra resorze qualche ispirato; ma io finhora non ho visto cossa in questi mi parano ispirati, et quel puto mi par più presto debilitato de membri et di cervello che altramente. Tuttavia si vederà per zornata come la cossa anderà, et per questa non ti dirò altro, etc.

A di 21. La matina, sier Francesco Bolani qu. sier Candian fo avogador di comun, essendo stà chiamato dal Collegio deputato dil Consejo di X, vene et il Collegio redutto ai Signori di note lo examinoe et tolto il suo constituto fu posto in cha' dil capitano di le prexon Loredan. 245¹

Ancora il Canzelzier grandò vene a palazzo, et mandò a dir al Collegio come era a sua requisition et se reduse di solo dil Consejo di X, et poi fu posto dove era il Consejo di X, *videlicet* se reduceva i Cai: et fo fato venir in el Collegio ai Signori di note vestito con veta paonaza a manege dogal.

(1) La carta 244* è bianca.